



Na osnovu člana 38. Statuta Općine Hadžići („Službene novine Kantona Sarajevo“, broj: 15/09, 17/12, 10/13 i 14/13-ispravka), općinski načelnik Općine Hadžići putem Službe za opću upravu, društvene djelatnosti i zajedničke poslove, raspisuje:

JAVNI POZIV

Za izbor sportiste, sportistkinje, sportiste invalida, sportskog trenera, sportske ekipe i najperspektivnijih sportista Općine Hadžići za 2020. godinu

I

Raspisuje se Javni poziv za izbor sportiste, sportistkinje, sportiste invalida, sportskog trenera i sportske ekipe Općine Hadžići za 2020. godinu, kao i posebno priznanje pojedincima »Za doprinos u razvoju sporta na području Općine Hadžići«.

II

Ovim Javnim pozivom uređuje se način i uslovi za ocjenjivanje i izbor najboljeg sportiste, sportistkinje, sportiste invalida, sportskog trenera i sportske ekipe općine Hadžići, kao i druga pitanja u vezi sa izborom.

Nagrada »Sportista općine Hadžići« dodjeljuje se:

1. Najuspješnijem sportisti;
2. Najuspješnijoj sportistkinji;
3. Najuspješnijem sportisti invalidu;
4. Najuspješnijem treneru;
5. Najuspješnijoj ekipi;
6. Najperspektivnijim sportistima,

dok se posebno priznanje »Za doprinos u razvoju sporta na području Općine Hadžići« dodjeljuje dvojici kandidata ili kandidatkinja, koji su svojim radom odnosno rezultatima, doprinjeli razvoju sporta na području naše općine.

Izbor najuspješnijih, vrši Komisija za izbor sportiste, sportistkinje, sportiste invalida, sportskog trenera, sportske ekipe, kao i najperspektivnijih sportaša Općine Hadžići za 2020. godinu koju će imenovati općinski načelnik.

III

Izbor sportista godine je javan i provodi se na osnovu pisanih prijedloga i obrazloženja sportskih klubova sa područja Općine Hadžići i šire.

Za izbor sportista može se kandidirati sportista koji je učestvovao na takmičenjima organiziranim u okviru kantonalnih, federalnih, državnih i kup takmičenja na nivou Bosne i Hercegovine, na evropskim ili svjetskim takmičenjima, olimpijskim i paraolimpijskim igrama, te drugim domaćim i međunarodnim takmičenjima čiji su rezultati vrednovani.

IV

Za najsupješnije sportiste i ekipu iz člana II mogu biti birani kandidati i ekipa koji imaju prebivalište (**cipsova prijava**), ili čiji je matični klub registrovan na području općine Hadžići. Komisija za izbor sportiste, sportistkinje, sportiste invalida, sportskog trenera, sportske ekipe, kao i najperspektivnijih sportista Općine Hadžići za 2020. godinu, razmatraće samo

prijedloge, odnosno kandidate čiji su rezultati potvrđeni od sportskih klubova i drugih sportskih organizacija, odnosno udruženja.

Kod izbora najuspješnijih na općini Hadžići u obzir se uzimaju masovnost, pojedinačni uspjesi (za pojedinačne rezultate navesti koliko je takmičara odnosno protivnika bilo u kategoriji), kao i kontinuitet u postizanju vrhunskih sportskih rezultata.

V

Odluka o izboru »Sportista općine Hadžići« saopćit će se javno na svečanosti koja će se organizovati u povodu 6. marta, dana općine Hadžići.

VI

Prijave na Javni poziv podnose se u zatvorenoj koverti sa naznakom »NE OTVARAJ« - PRIJAVA NA JAVNI POZIV ZA IZBOR SPORTISTA OPĆINE HADŽIĆI ZA 2020. GODINU, na protokol Općine Hadžići lično ili putem pošte na adresu: Općina Hadžići, Služba za opću upravu, društvene djelatnosti i zajedničke poslove, ulica Hadželi br. 114, 71240 Hadžići, sa naznakom podataka o podnosiocu zahtjeva (naziv, adresa, telefon i dr.).

VII

Rok za podnošenje prijave po ovom Javnom pozivu teče od dana objavljivanja na oglasnoj ploči i web stranici Općine Hadžići (www.hadzici.ba), odnosno zaključno sa 31.01.2021. godine do 16:00 sati.

Nepotpune i neblagovremene prijave neće se uzimati u razmatranje.

Broj: 03/3-36-1-382/21
Hadžići, 08.01.2021. godine

OPĆINSKI NAČELNIK

Hamdo Ejubović dipl.ing.maš.